

NILKA FRANKA MIHOR CANTANTE SONGFESTIVAL ANTILLANO

ORANJESTAD, 17 Dec. - Den un Klompen-Klub di Aruba Caribbean Hotel completamente yen a tuma lugar diamars ultimo e delaster encuentro di Songfestival Antillano entre e mihor diezdos cantantenan, kendenan a worde eligi den e cuarto rondnan anterior. Entre e diezdosnan aki srta. Nilka Franka a worde eligi door di e hurado como e mihor cantante di e atardi. E senjorita simpatica aki, kende endudablemente a haci un gran impresion ariba publico y hurado cu su bunita actuacionnan diamars atardi a presenta e cancion "Sole Sole" cu e acompanjamento maestral di Trio Los Latinos.

Riparable tabata diamars ultimo e manera rapido cu e presentacion di e diezdos competidornan a tum a lugar. Miho cu ningun biaha anterior e artistanan a worde presenta, rapidamente tras di otro sin mucho dilitamente tras di stage, apesar cu e no tabata ainda loke e mester ta. Despues cu lote a worde tira pa e manera cu e artistanan lo presenta, no a dura mucho cu e promer artista a presenta aribapodium di Klompen Klub pa brinda e publico y hurado lo meho cu nan tabata por e dia ey. E publico e atardi aki a ricibi loke nan a spera. Cada un di e artistanan, sin exepcion di uno a muestra cu nan merece di worde reconoc como un di e miho diezdos artistanan entre e trintanan cu a aparece ariba e podium di Klompen Klub durante e simannan di e Songfestival. Naturalmente entre e diezdos nan aki e hurado tabatin e tarea sumamente dificil di escohe esun cu e atardi ey a duna e miho interpretacion y aparecion ariba e podium. Y unabez ora cu e desicion tabata conoci, tabata grandioso pa tende e aprobacion completo di e publico grandi den e

salanan di Aruba Caribbean Hotel. E publico tabata di acuerdo cu e desicion dificil. Promer cu e anunciamento di e ganadornan, tur diezdos finalista a worde presenta conhunto na e publico. E tension e den publico, pero especialmente entre e diezdos ganadornan tabata enorme. Nerviosidad tabata canta gloria entre e diezdos. Nan tabata mira otro, morde hunja, no por para keto etc. Hurado y organisadornan a dicidi pa mente e miho cinconan entre diezdos. Esakinan a resulta, Nilka Franka na promer lugar, cu total di 2550 punto, na di dos lugar Etty Toppenberg, cu un diferencia di diez punto for di Nilka Franka. Alida Westerburger a conquista di tres lugar cu fantastico interpretacion di "E totolico", cao acompaña pa Mariachi Aruba, mientras cu Ray Anthony y Jewel Romney a hanja di cuatro y cinco puesto.

E desicion merecido aki di hurado un biaha mas a pone acento ariba e exito pa e songfestival Antillano, cual durante cuatro siman a trece un enorme cantidad di publico di Aruba pa Aruba Caribbean Hotel. E publico di Aruba a muestra di apoya loke en berdad ta cultura di Aruba, algo di propio suela y no un fantasia. Gracias na e gran apoyo aki di e publico local e organisadornan, kendenan a hanja poco apoyo di instancianan di cual por spera esaki, a dicidi di haci e festival aki un tradicion. Nan ta spera cu otro biaha e propagandistanan di cultura Antillano tambe lo muestra mas interes den e iniciativa aki, apesar cu e ta algo organisa door di particularnan. Con que sea, ape-

Senjorita Alida Westerburger, diamars atardi a muestra un biaha mas di ta un di e interpretadornan di cancionan mexicana den un gran forma. Y e publico Arubiano naturalmente tabata sabi di aprecia e bon musica aki. E aplausanan pa Alida y mariachi Aruba tabata enorme. Cu e cancion "A totolico", Alida Westerburger a conquista e di tres puesto den e songfestival.

E foto aki ta muestra nos e presentacion di e diezdos semifinalistanan den e songfestival Antillano, cual a termina diamars ultimo. Den Klompen Klub di Aruba Caribbean Hotel

sar di erornan den organisacion durante e festival, ta mereceduna elogio y apresio na e organisadornan hoben cu a dedica tanto di nan tempo liber pa duna e pueblo di Aruba y Aruba en general algo bon. Na otro partinan di mundo tal Songfestivalnan ta presenta artistanan desconoci cu despues ta hanja fama mundial gracias door di e esprito sano di competencia cu nan ta sinja conoce den tal festival. Y esaki alavez ta tambe e intencion y proposito di Songfestival Antillano.

Na di dos lugar a sali den e songfestival diamars atardi ultimo senjor Etty Toppenberg cu e cancion "Ave Maria di cion "Ave Maria no mor". Cu un magnificacion interpretacion acompanjante di su cuarteto Etty Toppenberg (cantando dilanti microfoon), a logra gana e di dos puesto cu unicamente diez punto di diferencia for di Nilka Franka.

Como ganadora di e songfestival Antillano a keda eligi srta Nilka Franka, kende duren te su presentacion den Klompen Klub di Aruba Caribbean Hotel tabata acompaña pa trio Los Latinos. Srta Franka a gana e songfestival cu e cancion "Sole Sole"

Diamars atardi pa e finale di e songfestival Antillano atrobe areina un enorme interes pa parti di e publico pa e presentacion di e artistanan. e foto ta muestra un parti di e publico

casino. Completamente na robez nos ta mira e maestro di ceremonia, señor Janchi Tromp, kende durante henter e programa di songfestival a haci un gran labor.

